

UGOVOR O DJELU

Zaključen između ugovornih strana:

1. Kanton Sarajevo, Ministarstvo saobraćaja - Direkcija za puteve koju zastupa Direktor Selmir Kovač (u daljem tekstu Naručilac)
2. Renato Škrobo, JMB: , (u daljem tekstu Izvršilac posla)

Član 1.

Predmet ugovora su stručne usluge (koordinator) vezane za implementaciju projekta Izgradnja i rekonstrukcija 1. transferzale – Dionica II (Bare – tunel Kobilja glava – Hotonj) za period od 02.09.2022. godine – 30.11.2022. godine.

Član 2.

Izvršilac poslova se obavezuje da će naručioca blagovremeno obavještavati o svim eventualnim kolizijama i preprekama koje mogu izazvati kašnjenja u realizaciji navedenog Posla, te iste pokušati riješiti u što kraćem roku.

Član 3.

U izvršenju poslova za koje se zaključuje ugovor, Izvršilac se obavezuje:

- Poslove izvršavati lično.
- Djelovati isključivo u interesu Naručioca.
- Poštovati razumne naloge i primjedbe Naručioca ili osobe ovlaštene od strane Naručioca.
- Obavljati poslove u skladu sa standardima i nalogima Naručioca.
- Obavljati poslove stručno i savjesno.
- Djelovati u skladu sa kodeksom ponašanja Naručioca tako da ni na koji način ne ugrozi interes Naručioca.
- Da će pred trećim licima dosljedno čuvati poslovne tajne Naručioca, koje će doznati u svom poslu, za vrijeme trajanja ovog Ugovora.
- Da će se prema imovini i sredstvima za rad Naručioca odnositi sa pažnjom dobrog domaćina.
- Da će po isteku ovog Ugovora, Naručiocu vratiti svu dokumentaciju, imovinu, opremu za rad i materijale, a koje je eventualno preuzeo za izvršenje ugovorenih poslova.
- Da o svom radu redovno izvještava Naručioca.

Član 4.

Naručilac se obavezuje da će Pružaocu usluge za poslove iz člana 1. isplatiti mjesečne naknade u neto iznosu od 500,00 KM, sekvencijalno po mjesecima, za period od 02.09.2022. do 30.11.2022.godine na tekući račun pružaoca usluge kod

Član 5.

Izvršilac posla se obavezuje da će poslove iz člana 1. ovog Ugovora izvršiti u periodu 02.09.2022. godine – 30.11.2022. godine.

Član 6.

Sve informacije i podaci koje će jedna ugovorna strana učiniti dostupnima drugoj ugovornoj strani u svrhu izvršavanja odredbi ovog Ugovora, smatraju se tajnim podacima. Tajni podaci ne mogu se koristiti, osim u svrhe određene ovim Ugovorom, bez izričitog pristanka druge ugovorne strane. Niti jedna ugovorna strana neće biti odgovorna za otkrivanje ili korištenje podataka koji u skladu sa ovim Ugovorom predstavljaju tajne podatke, a koji:

- već jesu ili postanu poznati javnosti, osim putem povrede ovog Ugovora, ili
- se moraju otkriti na temelju zakona sukladno zahtjevu nadležnog tijela.

Obaveze čuvanja tajnosti podataka iz Ugovora ostaju na snazi i nakon prestanka važenja ovog Ugovora. Ugovorna strana koja povrijedi obavezu čuvanja tajnosti podataka iz ovog člana bit će odgovorna za svaku štetu, bez bilo kakvih ograničenja, koja je nastala za drugu ugovornu stranu kao posljedica povrede obaveza čuvanja tajnosti podataka.

Član 7.

Sve eventualne sporove u vezi izvršenja ugovora ugovorne strane će rješavati sporazumno, a u protivnom nadležan je sud u Sarajevu.

Član 8.

Ovaj Ugovor stupa na snagu danom obostranog potpisivanja i sastavljen je u tri (3) istovjetna primjerka od kojih dva (2) pripadaju Naručiocu, a jedan Izvršiocu poslova.

IZVRŠILAC

Kenato Škrobo

NARUČILAC

Direktor:  Selmir Kovac dipl. ing. saob. 

Broj: 04-23-34305/22

Datum: 02.09.2022. godine